

四庫全書

集部

欽定四庫全書

御定全唐詩卷一百四十二

王昌齡

駕出長安

一作宋之問詩

聖德超千古皇風扇九圍
天迴萬象出駕動六龍飛
淑氣來黃道祥雲覆紫微
太平多扈從文物有光輝

駕幸河東

晉水千廬合汾橋萬國從
開唐天業盛入沛聖恩濃
下

輦迴三象題碑任六龍
睿明懸日月千歲一作載此時逢

胡笳曲

城南虜已合一夜幾重圍
自有金笳引能霑出塞衣一作

能令出塞飛

聽臨關月苦清入海風微
三奏高樓曉胡人掩

涕歸

潞府客亭寄崔鳳童

蕭條郡城閉旅館空寒煙秋月對愁客
山鐘搖暮天新知偶相訪斗酒情依然
一宿阻長會清風徒滿川

和振上人秋夜懷士會

白露傷草木山風吹夜寒遙林夢親友高興發雲端

一作

巖郭外秋聲急城邊月色殘瑤琴多遠思更為客中彈

送李擢遊江東

清洛日夜漲微風引孤舟離腸

一作
鷗

便千里遠夢生江

樓楚國橙橘暗吳門煙雨愁東南具今古歸望山雲秋

一作
收

沙苑南渡頭

秋霧連雲白歸心浦淑懸津人空守纜村館復臨川蓬

一作

隔蒼茫雨波連

一作通

演漾田孤舟未得濟入夢在

何年

客廣陵

樓頭廣陵近九月在南徐秋色明海縣寒煙生里閭夜
帆歸楚客昨日度江書為問易名叟垂綸不見魚

靜法師東齋

築室

一作山

在人境遂得真隱情春盡草木變雨來池館

清琴書全雅道視聽已無生閉戶脫三界白雲自虛盈
素上人影塔

物化同枯木希夷明月珠本來生滅盡何者是虛無一
坐看如故千齡獨向隅至人非別有方外不應殊

遇薛明府謁聰上人

欣逢柏梁故共謁聰公禪石室無人到繩牀見虎眠陰
崖常抱雪枯澗為生泉出處雖云異同歡在法筵

謁焦鍊師

中峯青苔壁一點雲生時豈意石堂裏得逢焦鍊師爐

香淨琴

一作金

案松影閒瑤墀拜受長年藥翩翩西海期

宿京江口期劉春虛不至

霜天起長望殘月生海門風靜夜潮滿城高寒氣昏故人何寂寞久已乖清言明發不能寐徒盈江上尊

寒食即事

晉陽寒食地風俗舊來傳雨滅龍蛇火春生鴻雁天泣多流水漲歌發舞雲旋西見之推廟空為人所憐

九日登高

青山遠近帶皇州
霽景重陽上北樓
雨歇亭臯仙菊潤
霜飛天苑御梨秋
茱萸插鬢花宜壽
翡翠橫釵舞作愁
謾說陶潛籬下醉
何曾得見此風流

萬歲樓

江上巍巍萬歲樓
不知經歷幾千秋
年年喜見山長在
日日悲看水獨流
猿狖何曾離暮嶺
鷗鷺空自泛寒洲
誰堪登望雲煙裏
向晚茫茫發旅愁

夏月花萼樓酺宴應制

土德三元正堯心萬國同汾陰備冬禮長樂應和風賜
慶垂天澤流歡舊渚宮樓臺生海上簫鼓出天中霧曉
筵初接宵長曲未終雨隨青幕合月照一作舞羅空玉
陛分朝列文章發聖聰愚臣忝書賦歌咏頌絲桐

送歐陽會稽之任

懷祿貴心賞東流山水長官移會稽郡地邇上虞鄉緩
帶屏紛雜漁舟臨訟堂逶迤廻谿趣一作曲猿嘯飛鳥行

萬室霽朝雨千峰迎夕陽輝輝遠洲暎曖曖澄湖

一作江

光白髮有高士青春期上皇應須枉車歇

一作過

為我訪

荷裳

同王維集青龍寺曇壁上人兄院五韻

本來清淨所竹樹引幽陰簷外含山翠人間出世心
圓通無有象聖境不能侵真是吾兄法何妨友弟深
天香自然會靈異識鐘音

東谿翫月

一作王維詩

月從斷山口遙吐柴門端萬木分

一作紛

空霽流陰中夜

攢光連虛象白氣與風露寒谷靜秋泉響巖深青靄殘
澄清入幽夢破影抱空巒恍惚琴窗裏松谿曉思難

欽定四庫全書

御定全唐詩卷一百四十三

王昌齡

朝來曲

月是鳴珂動花連繡戶春盤龍玉臺鏡唯待畫眉人

從軍行

大將軍出戰白日暗榆關三面黃金甲單于破膽還

答武陵田太守

仗一作按劍行千里微軀感一言曾為大梁客不負信陵恩

題灞池二首

腰鑣欲何之東園刈秋韭世事不復論悲歌和樵叟
開門望長川薄暮見漁者借問白頭翁垂綸幾年也

題僧房

梭櫚花滿院苔蘚入閒房彼此名言絕空中聞異香

擊磬老人

雙峰褐衣久一磬白眉長誰識野人意徒看春草芳

送胡大

荆門不堪別况乃瀟湘秋何處遙望君江邊明月樓

送郭司倉

暎門淮水綠留騎主人心明月隨良掾春潮夜夜深

送李十五

怨別秦楚深江中秋雲起天長杳無隔月影在寒水

送張四

楓林已愁暮楚水復堪悲別後冷山月清猿無斷時

武陵田太守席送司馬盧谿

諸侯分楚郡飲餞五谿春山水清暉遠俱憐一逐臣

送譚八之桂林

客心仍在楚江館復臨湘別意猿鳥外天寒桂水長

送劉十五之郡

平明江霧寒客馬江上發扁舟事洛陽官官含楚月

從軍行七首

烽火城西百尺樓黃昏獨上

一作坐

海風秋更吹羗

一作橫

一作

笛關山月無那

一作誰解

金閨萬里愁

琵琶起舞換新聲總是關山舊

一作離

別情撩亂邊愁聽

一作彈

不盡高高秋月照長城

關城榆葉早疎黃日暮雲沙古戰場表請回軍掩塵骨
莫教兵士哭龍荒

青海長雲暗雪山孤城遙望玉

一作雁

門關黃沙百戰穿

金甲不破樓蘭終

一作竟

不還

大漠風塵日色昏紅旗半捲出轅門前軍夜戰洮河北

已報生擒吐谷渾

胡瓶落膊紫薄汗碎葉城西秋月圓明敕星馳封寶劍

辭君一夜取樓蘭

統籤注云薄汗疑作駭翰

玉門山嶂幾千重山北山南總是烽人依遠戍須看火
馬踏深山不見蹤

出塞二首

秦時明月漢時關萬里長征人

一作征夫向

未還但使龍城

飛將在不教胡馬度陰山

騶馬新跨白玉鞍戰罷沙場月色寒
城頭鐵鼓聲猶振匣裏金刀血未乾

采蓮曲二首

吳姬越艷楚王妃爭弄蓮舟水濕衣
來時浦口花迎入采罷江頭月送歸

荷葉羅裳一色裁芙蓉向臉兩邊開
亂入池中看不見聞歌始覺有人來

殿前曲二首

貴人妝梳殿前催香風吹入殿後來仗引笙歌大宛馬
白蓮花發照池臺

胡部笙歌西殿頭梨園弟子和涼州新聲一段高樓月
聖主千秋樂未休

春宮曲

唐人絕句
作殿前曲

昨夜風開露井桃未央前殿月輪高平陽歌舞新承一作
寵簾外春寒賜錦袍

西宮春怨

西一作空宮夜靜百花香欲捲珠簾春恨長斜抱雲和深

渾一作見月朦一作朧樹色隱一作昭陽

西宮秋怨

芙蓉不及美人妝水殿風來珠翠香誰分一作含啼一作

却恨含情掩秋扇空懸明月待君王

長信秋詞五首

金井梧桐秋葉黃珠簾不捲夜來霜熏一作金籠一作爐玉

枕無顏色卧聽南宮一作宮中清漏長

高殿秋砧響夜闌霜深猶憶御衣寒銀燈青瑣裁縫歇
還向金城明主看

奉帚平明金

一作秋

殿開且將團扇暫

一作共

裴回玉顏不

及寒鴉色猶帶朝陽日影來

真成薄命久尋思夢見君王覺後疑火照西宮知夜飲
分明複道奉恩時

長信宮中秋月明昭陽殿下擣衣聲白露堂中細草跡
紅羅帳裏不勝情

青樓曲二首

白馬金鞍從武皇，旌旗十萬宿長楊。
樓頭小婦鳴箏坐，遙見飛塵入建章。

馳道楊花滿御溝，紅妝繖綰上青樓。
金章紫綬千餘騎，夫婿朝回初拜侯。

青樓怨

香幃風動花入樓，高調鳴箏緩夜愁。
腸斷關山不解說，依依殘月下簾鉤。

浣紗女

錢塘江畔是誰家
江上女兒全勝花
吳王在時不得出
今日公然來浣紗

閨怨

閨中少婦不曾愁
春日凝妝上翠樓
忽見陌頭楊柳色
悔教夫壻覓封侯

甘泉歌

乘輿執玉已登壇
細草霑衣春殿寒
昨夜雲生拜初月

萬年甘露水晶盤

蕭駙馬宅花燭

青鸞飛入合歡宮，紫鳳銜花出禁中。
可憐今夜千門一作

家裏銀漢星回一作一道通

觀獵

角鷹初下秋草稀，鐵驄拋鞍去如飛。
少年獵得平原兔

馬後一作橫捎意氣歸

寄穆侍御出幽州

一從恩譴度瀟湘塞北江南萬里長
莫道薊門書信少雁飛猶得到衡陽

寄陶副使

聞道將軍破海門如何遠謫渡湘沅
春來明主封西嶽自有還君紫綬恩

至南陵答皇甫岳

與君同病復漂淪昨夜宣城別故人
明主恩深非歲久長江還共五谿濱

西江寄越弟

南浦逢君嶺外還，沅谿更遠洞庭山。
堯時恩澤如春雨，夢裏相逢同入關。

李四倉曹宅夜飲

霜天留後一作飲，故情歡銀燭。
金爐夜不寒，欲問吳江別。

來意一作處，青山明月夢中看。

宴春源

源向春城花幾重，江明深翠引諸峯。
與君醉失松溪路，

山館寥寥傳暝鐘

龍標野宴

沅溪夏晚足涼風
春酒相攜就竹叢
莫道絃歌愁遠謫
青山明月不曾空

聽流人水調子

孤舟微月對楓林
分付鳴箏與客心
嶺色千重萬重雨
斷絃收與淚痕深

梁苑

梁園秋竹古時煙城外風悲欲暮天萬乘旌旗何處在
平臺賓客有誰憐

武陵龍興觀黃道士房間易因題

一作贈

齋心問易太陽宮八卦真形一氣中仙老言餘鶴飛去
玉清壇上雨濛濛

送魏二

醉別江樓橘柚香江風引雨入舟涼憶君遙在瀟湘月

一作上一作湘山月愁聽清猿夢裏長

別李浦之京

故園今在灞陵西江畔逢君醉不迷
小弟鄰莊尚漁獵一封書寄數行啼

送狄宗亨

秋在水清山暮蟬洛陽樹色鳴臯煙
送君歸去愁不盡又惜空度涼風天

送薛大赴安陸

津頭雲雨暗湘山遷客離憂楚地顏
遙送扁舟安陸郡

天邊何處穆陵關

芙蓉樓送辛漸二首

寒雨連江夜入吳，平明送客楚山孤。
洛陽親友如相問，一片冰心在玉壺。

丹陽城南秋海陰，丹陽城北楚雲深。
高樓送客不能醉，寂寂寒江明月心。

重別李評事

莫道秋江離別難，舟船明日是長安。
吳姬緩舞留君醉，

隨意青楓白露寒

別陶副使歸南海

南越歸人夢海樓
廣陵新月海亭秋
寶刀留贈長相憶
當取戈船萬戶侯

送人歸江夏

寒江

一作天

綠水楚雲深
莫道離憂遠
遠心曉夕雙帆歸

鄂渚愁將孤月夢中尋

送李五

玉盤金罍傾送君江西日入起黃雲扁舟乘月暫來去
誰道滄浪吳楚分

送十五舅

深林秋水近日空歸棹演漾清陰中夕浦離觴意何已
草根寒露悲鳴蟲

留別郭八

長亭駐馬未能前井邑蒼茫含暮煙醉別何須更惆悵

回頭不語但

一作便

垂鞭

送竇七

清江月色傍林秋，波上熒熒望一舟。
鄂渚輕帆須早發，江邊明月為君留。

巴陵送李十二

搖曳巴陵洲渚分，清江傳語便風聞。
山長不見秋城色，日暮蒹葭空水雲。

送裴圖南

黃河渡頭歸，問津離家幾日。
茱萸新漫道，閨中飛破鏡。

猶看陌上別行人

留別司馬太守

辰陽太守念王孫
遠謫沅谿何可論
黃鶴青雲當一舉
明珠吐著報君恩

盧溪主

一作人別

武陵溪口駐扁舟
溪水隨君向北流
行到荊門上三峽
莫將孤月對猿愁

送程六

冬夜傷

一作鵲

離在五溪青魚雪落鱸橙蘢武岡前路看

斜月片片舟中雲向西

送朱越

遠別舟中蔣山暮君行舉首燕城路
薊門秋月隱黃雲
期向金陵醉江樹

別辛漸

別館蕭條風雨寒扁舟月色渡江看
酒酣不識關西道
却望春江雲尚殘

送柴侍御

流水通波接武岡
送君不覺有離傷
青山一道同雲雨
明月何曾是兩鄉

送萬大歸長沙

桂陽秋水長沙縣
楚竹離聲為君變
青山隱隱孤舟微
白鶴雙飛忽相見

送吳十九往沅陵

沅江流水到辰陽
谿口逢君驛路長
遠謫誰一作唯知望

雷雨明年春水共還鄉

別皇甫五

淑浦潭陽隔楚山
離尊不用起愁顏
明祠靈響期昭應
天澤俱從此路還

送崔叅軍往龍溪

龍溪只在龍標上
秋月孤山兩相向
譴謫離心是大夫
鴻恩共待春江漲

送鄭判官

東楚吳山驛樹微
輶車銜命奉恩輝
英僚攜出新豐酒
半道遙看驄馬歸

送姚司法歸吳

吳掾留觴楚郡心
洞庭秋雨海門陰
但令意遠扁舟近

一作送不道滄江百丈深

送高三之桂林

留君夜飲對瀟湘
從此歸舟客夢長
嶺上梅花侵雪暗
歸時還拂桂花香

旅望

一作出塞行

白花

一作草

原頭

一作上

望京師黃河水流無盡時窮秋曠

野行人絕馬首東來知是誰

題朱鍊師山房

叩齒焚香出世塵
齋壇鳴磬步虛人
百花仙醞能留客
一飯胡麻度幾春

武陵開元觀黃鍊師院三首

松間白髮黃尊師
童子燒香禹步時
欲訪桃源入溪路

忽聞雞犬使人疑

先賢盛說桃花源塵忒何堪武陵郡聞道秦時避地人

至今不與人通

一作問

山觀空虛清靜門從官役吏擾塵喧暫因問俗到真境
便欲投誠依道源

河上老人歌

一作河上歌

河上老人坐古槎合丹只用青蓮花至今八十如四十
口道滄溟是我家

春怨

樂府近代曲載蓋羅縫二首前一曲乃王昌齡出塞第一首第二曲即此詩也不著

作者
姓名

音書杜絕白狼西桃李無顏黃鳥啼寒雁春深歸去盡
出門腸斷草萋萋

句

朝薦抱良策獨倚江城樓

述情詩式

昨從金陵邑遠謫沅

溪濱

沅志

娟魄已三孕

以下海錄碎事

駕幸溫泉日嚴霜子

月初

長亭酒未醒千里風動地

以下河嶽英靈集

蒼荻寒滄

江石頭岸邊飲

天仗森森練雪凝身騎鐵驄自臂鷹

御定全唐詩卷一百四十三

欽定四庫全書

御定全唐詩卷一百四十四

常建

常建開元中進士第大厯中為盱眙尉詩似初發通莊
却尋野徑百里之外方歸大道其旨遠其興僻佳句輒
來唯論意表淪於一尉士論悲之詩一卷

送陸擢

聖代多才俊

一作秀

陸生何考槃南山高松樹不合空摧

殘九月湖上別北風秋雨寒殷勤歎孤鳳早食金琅玕

送李十一尉臨溪

泠泠花下琴君唱渡江吟天際一帆影預懸離別心以
言神仙尉因致瑤華音回軫撫商調越溪一作聲澄碧林

江上琴興

江上調玉琴一弦清一心泠泠七弦遍萬木澄幽陰一作

音能使江月白又令江水深始知梧桐枝可以徽黃金

湖中晚霽

湖廣舟自輕江天欲澄霽是時清楚望氣色猶霾曠跼
蹢金霞白波上日初麗煙虹落鏡中樹木生天際杳杳
涯欲辨蒙蒙雲復閉言乘一作垂星漢明又覩寰瀛勢微
興從此愜悠然不知歲試歌滄浪清遂覺乾坤細豈念
客衣薄將期永投袂遲回漁父間一雁聲嘹唳

宿王昌齡隱居

清溪深不測

一作極

隱處唯孤雲松際露微月清光猶為

君茅亭宿花影藥院滋苔紋余亦謝時去西山鸞鶴羣

送楚十少府

微風吹霜氣寒影明

一作流

前除落日未能別蕭蕭林木

虛愁煙閉千里仙尉其何如因送別鶴操贈之雙鯉魚
鯉魚在金盤別鶴哀有餘心事則如此請君開素書

張山人彈琴

君去芳草綠西峰彈玉琴豈惟丘中賞兼得清煩襟朝

從山口還出嶺聞清

一作幽

音了然雲霞氣

一作意

照見天

地心玄鶴下澄空翩翩舞松林改弦扣

一作和

商聲又聽

飛龍吟稍覺此身妄漸知仙事深其將鍊金鼎永矣一作
以投吾簪

白湖寺後溪宿雲門

落日山水清亂流鳴淙淙舊蒲雨抽節新花水對窓溪
中日已沒歸鳥多為雙杉松引直路出谷臨前湖洲渚
晚色靜又觀花與蒲入溪復登嶺草淺寒流速圓月明
高峰春山因獨宿松陰澄初夜曙色分遠目日出城南
隅青青媚川陸亂花覆東郭碧氣銷長林四郊一清影

千里歸寸心前瞻王

一作去

程促却戀雲門深畢景有餘

興到家彈玉琴

閒齋卧病

一作雨

行藥至山館稍次湖亭二首

一作

一首

旬時結陰霖簾外初白日齋沐清病容心魂畏虛

一作靈

室閒梅照前戶明鏡悲舊質同袍四五人何不來問疾

行藥至石壁東風變萌芽主人門外

一作山人山門

綠小隱湖

中花時物堪獨往春帆宜別家辭君嚮滄海爛漫從天

涯

塞上曲

翩翩雲中使來問太原
卒百戰苦不歸刀頭怨明月塞
雲隨陣落寒日傍

一作旁

城沒城下有寡妻
哀哀哭枯骨

仙谷遇毛女意知是秦宮人

溪口水石淺泠泠
明藥叢入溪雙峰峻
松栝踈幽風垂

嶺枝

一作竹

娟娟翳泉花濛濛
螢緣霽人目路盡心
彌通

盤石橫陽崖前流

一作臨

殊未窮回潭清雲影
瀾漫長天

空水邊一神女千歲為玉童羽毛經漢代珠翠逃秦宮
目覩神已寓鶴飛言未終祈君青雲祕願謁黃仙翁嘗
以耕玉田龍鳴西頂中金梯與天接幾日來相逢

夢太白西峰

夢寐昇九崖杳靄逢元君遺我太白峰一作峯寒寥辭垢

氛結宇在星漢宴林閉氤氲簷楹覆餘翠巾舄生片雲

時往溪水

一作谷

間孤亭晝仍曛松峰引天影石瀨清霞

文恬目緩舟趣霽心投鳥羣春風又搖櫂潭島花紛紛

鄂渚招王昌齡張儔

刈蘆曠野中沙土

一作上

飛黃雲天晦無精光茫茫悲遠

君楚山隔湘水湖畔落日曛春雁又北飛音書固難聞

謫居未為歎讒枉何由分午日逐蛟

一作蛇

龍宜為弔冤

文翻覆古共然名

一作官

官安足云貧士任枯槁捕魚清

江濱有時荷鋤犁曠野自耕耘不然春山隱溪澗花

一作

何氤氲山鹿自有場賢達亦顧羣二賢歸去來世上徒

紛紛

春詞二首

樂府詩題作陌上桑一本連後
皆下草猶短一首共作三首

苑苑黃柳絲濛濛雜花垂日高紅妝卧倚對一作樹春光

一作風遲寧知傍淇水腰裏黃金羈

翳翳陌上桑南枝交北堂美人金梯出素手自提筐非

但畏一作為蠶飢盈盈嬌路傍

晦日馬銓曲稍次中流作

夜寒宿蘆葦曉色明西林初日在川上便澄遊子心秦

一作晴天無纖翳郊野浮春陰波靜隨釣魚舟小綠水深

出浦見千里曠然諧遠尋扣船應漁父因一作同唱滄浪吟

古意

一本連後古意
三首共作四首

牧馬古道傍道傍多古墓蕭條愁殺人蟬鳴白楊樹迴頭望京邑合沓生塵霧富貴安可常歸來保貞素

宿五度溪仙人得道處

五度溪上花生根依兩崖二月尋片雲願宿秦人家上見懸崖崩下見白水湍仙人彈碁處石上青蘿盤無處

求玉童翳翳唯林巒前溪遇新月聊取玉琴彈

西山

一身為輕舟落日西山際常隨去帆影遠接長天勢物
象歸餘清林巒分夕麗亭亭碧流暗日入孤霞繼渚日
遠陰映湖雲尚明霽林昏楚色來岝遠荆門閉至夜轉
清迥蕭蕭北風厲沙邊雁鷺泊宿處蒹葭菽圓月逗前
浦孤琴又搖曳冷然夜遂深白露霑人袂

春詞

階下草猶短牆頭梨花白織女高樓上傳梭顧行客問
君在何所青鳥舒錦翮

贈三侍御

高山臨大澤正月蘆花乾陽色薰兩崖不改青松寒士
賢守孤貞古來皆共難明君錯甚

一作任

才臺上飛三鸞

操與霜雪明量與江海寬束身視天涯安能窮波瀾孤
鶴在枳棘一枝非所安逸翮望絕霄見欲凌雲端層臺
何其高山石流洪湍固知非天池鳴躍同所歡誰念獨

枯槁四十長江干責躬貴知己効拙從一官折翮悲高
風苦飢候朝飡湖月映大海天空何漫漫托身未知所
謀道庶不刊吟彼喬木詩一夕常三歎

第三峰

西山第三頂茅宇依雙松杳杳欲至天雲梯升幾重瑩
魄澄玉虛以求鸞鶴蹤逶迤非天人執節乘赤龍旁映
白日光縹緲輕霞容孤輝上煙霧餘影明心胃願與黃
麒麟欲飛而莫從因寂清萬象輕雲自中峰山暝學棲

鳥月來隨暗蒼尋空靜餘響嫋嫋雲溪鐘

古興

漢上逢老翁江口為僵屍白髮沾黃泥遺骸集烏鵲機
巧自此忘精魄今何之風吹釣竿折魚躍安能施白水
明汀洲菰蒲冒深陂唯留扁舟影繫在長江湄窅兀枯
松枝悠揚女蘿絲託身難憑依生死焉相知徧觀今時
人舉世皆爾為將軍死重圍漢卒猶爭馳百馬同一銜
萬輪同一規名與身孰親君子宜固思

高樓夜彈箏

高樓百餘尺直上江水平
明月照人苦開簾彈玉箏
山高猿狖急天靜鴻雁鳴
曲度猶未終東峰霞半生

客有自燕而歸哀其老而贈之

羸馬朝自燕一身為二連
憶親拜孤塚移葬雙陵前
幽願從此畢劍心因獲全
孟冬寒氣盛撫轡告言旋
碣石海北門餘寇惟朝鮮
離離一寒騎孱孱馳白天
生別皆自取況為士卒先
寸心漁陽興落日旌竿懸

白龍窟汎舟寄天台學道者

夕映翠山深餘暉在龍窟扁舟滄浪意澹澹花影沒西
浮入天色南望對雲關因憶莓苔峰初陽濯玄髮泉蘿
兩幽映松鶴間清越碧海瑩子神玉膏澤人骨忽然為
枯木微興遂如兀應寂中有天明心外無物環迴從所
汎夜靜猶不歇澹然意無限身與波上月

張天師草堂

靈溪宴清宇傍倚枯松根花藥繞方丈瀑泉飛至門四

氣閉炎熱兩岷改明昏夜深月暫皎亭午朝始暎信是
天人居幽幽寂無喧萬壑應鳴磬諸峰接一魂遂登仙
子谷因醉田生一作中樽時節開玉書官映飛天言心化
便一作更無影目精焉累煩忽而與一作舉霄漢寥落空南
軒

古意三首

二妃方訪舜萬里南方懸遠道隔江漢孤舟無歲年不
知蒼梧處氣盡呼青天愁淚變楚竹蛾眉喪湘川後人

立為廟累世稱其賢過客設祠祭狐狸來坐邊懷古未
忍還猿吟徹空山

明月照高閣綵女褰羅幕歌舞臨碧雲簫聲沸珠箔青
鸞臨南海天上雙白鶴萬里齊翼飛意求君門樂玉霄
九重閉金鎖夜不開兩翅自無力愁鳴雲外來態深入

一作
人空貴世屈無良媒俛仰顧中禁東飛白玉臺

楚王竟何去獨自留巫山偏使世人見迢迢江漢間駐
舟春溪裏皆願拜靈顏寤寐見神女金沙鳴珮環閒艷

絕世姿令人氣力微含笑竟不語化作朝雲飛

漁浦

春至百草綠陂澤聞鶻鷃別家投釣翁今世滄浪情漚紵為緼袍折麻為長纓榮譽失本真怪人浮此生碧水月自潤安流淨而平扁舟與天際獨往誰能名

空靈山應田叟

湖南無村落山舍多黃茆淳朴如太古其人居鳥巢牧童唱巴歌野老亦獻嘲泊舟問溪口言語皆啞咬土俗

不尚農豈暇論肥磽莫徭射禽獸浮客烹魚鮫余亦累
置人獲縻今尚苞敬君中國東願以充其庖日入聞虎
鬪空山滿咆哮懷人雖共安異域終難交白水可洗心
采薇可為肴曳策背落日江風鳴梢梢

太公哀晚遇

日出渭流白文王畋獵時釣翁在蘆葦川澤無熊羆詔

書起遺賢匹馬令

一作今

致辭因稱江海人臣老筋力衰

遲遲詣天車快快

一作快快

悟靈龜兵馬更不獵君臣皆共

怡同車至咸陽心影無磷緇四牡玉墀下一言為帝師
王侯擁朱門軒蓋曜長遠古來榮華人遭遇誰知之落
日懸桑榆光景有頓虧倏忽一作悲天地人雖貴將何為

昭君墓

漢宮豈不死異域傷獨

一作猶傷

沒萬里馱黃金蛾眉為枯

骨迴車

一作軍

夜出塞立馬皆不發共

一作憤

恨丹青人墳

上哭明月

弔王將軍墓

嫖姚北伐時深入強

一作
幾

千里戰餘落日黃軍敗鼓聲

死嘗聞漢飛將可奪單于壘今與山鬼鄰殘兵哭遼水

古意

井底玉冰洞地明琥珀轆轤青
絲索仙人騎鳳披彩霞
挽上銀瓶照天閣黃金作身雙
飛龍口銜明月噴芙蓉
一時渡海望不見曉上青樓十二重

古興

轆轤井上雙梧桐飛鳥銜花日將沒
深閨女兒莫愁年

玉指泠泠怨金碧石榴席裾蛺蝶飛見人不語顰蛾眉
青絲素絲紅綠絲織成錦衾當為誰

張公子行

一作古意

日出乘釣舟嫋嫋持釣竿涉淇傍荷花驄馬閑金鞍俠
客一作使君白雲中腰間懸轆轤出門事嫖姚為君西擊胡

胡兵漢騎相馳逐轉戰孤軍西海

一作西北一作海西曲

百尺旌

竿沈黑雲邊笳落日不堪聞

題破山寺後禪院

清晨入古寺初日照高林竹

一作一曲

逕通

一作遇

幽處禪

房花木深山光悅鳥性潭影空人心萬籟此都寂但餘

鐘磬音

送李大都護

單于雖不戰都護事邊深君執幕中秘能為高士心海
頭近初月磧裏多愁陰西望郭猶子將分淚滿襟

潭州留別

賢達不相識偶然交已深宿帆謁郡佐悵別依禪林湘

水流入海楚雲千里心望君杉松夜山月清猿吟

聽琴秋夜贈冠尊師

琴當秋夜聽况是洞中人一指指應法一聲聲爽神寒
蟲臨砌急一作默清吹裏燈頻何必鍾期耳高閒自可親

泊舟盱眙

泊舟淮水次霜降夕流清夜久潮侵岬天寒月近城平
沙依雁宿候館聽雞鳴鄉國雲霄外誰堪羈旅情

江行

平湖四無際此夜泛孤舟明月異方意吳歌令客愁鄉園碧雲外兄弟淶江頭萬里無歸信傷心看斗牛

燕居

青苔常滿路流水復入林遠與市朝隔日聞雞犬深寥寥丘中想渺渺湖上心嘯傲轉無欲不知成陸沈

送宇文六

花映垂楊漢水

一作水微

清微

一作晚

風林裏一枝輕即今江

北還如此愁殺江南離別情

落第長安

家園好在尚

一作佳上

留秦耻作明時失路人恐逢故里鶯

花笑且向長安度一春

塞下

鐵馬胡裘出漢營分麾百道救龍城左賢未遁旌

一作斬

竿折過在將軍不在兵

題法院

勝景門閒

一作開

對遠山竹深松老半含煙皓

一作皎

月

一作素

殿中三度磬水晶宮裏一僧禪

嶺猿

杳杳裏裏

一作淒淒
一作依依

清且切鷓鴣飛處又斜陽相思嶺

上相思淚不到三聲合斷腸

三日尋李九莊

雨歇楊林東渡頭永和三日盪輕舟
故人家在桃花岼直到門前溪水流

塞下曲四首

玉帛朝回望帝鄉
烏孫歸去不稱王
天涯靜處無征戰
兵氣銷為日月光

北海陰風動地來
明君祠上望龍堆
髑髏皆是長城卒
日暮沙場飛作灰

龍鬬雌雄勢已分
山崩鬼哭恨將軍
黃河直北千餘里
冤氣蒼茫成黑雲

因嫁單于怨在邊
蛾眉萬古葬胡天
漢家此去三千里
青塚常無草木煙

戲題湖上

湖上老人坐磯

一作島

頭湖裏桃花水却流竹竿嫋嫋波

無

一作白波

際不知何者吞吾鉤

吳故宮

越女歌長君且聽芙蓉香滿水邊城豈知一日終非主
猶自如今有怨聲

御定全唐詩卷一百四十四

欽定四庫全書

御定全唐詩卷一百四十五

杜顏

一作顏

杜顏開元十五年同王昌齡登第詩二首

從軍行

秋草馬蹄輕角弓持弦急去為龍城候正值胡兵襲軍

氣橫大荒戰酣日將入長風金鼓動白露

一作霧

鐵衣濕

四起愁邊聲南轅時佇立斷蓬孤自轉寒雁飛相及萬

里雲沙漲平川

一作路平

冰霰溢

一作濕

夜聞漢使歸獨向刀

環泣

故絳行

君不見銅鞮觀數里城池已蕪漫君不見虎祁

一作祁虎

宮

幾重臺榭亦微濛介馬兵車金盛時歌童舞女妖艷姿
一代繁華皆共絕九原唯望塚累累

李嶷

李嶷開元十五年進士第官左武衛錄事殷璠稱其詩

鮮潔有規矩其少年行三首詞雖不多翩翩然俠氣在
目今存詩六首

少年行三首

十八羽林郎戎衣侍

一作事
又作從

漢王臂鷹金殿側挾彈王

輿傍馳道春風起陪游出建章

侍獵長楊下承恩更射飛塵生馬影滅箭落雁行稀薄
暮隨天仗聯翩入瑣闈

玉劍膝邊

一作傍

橫金杯馬上傾朝遊茂陵道夜宿鳳凰

城豪吏

一作俠

多猜忌無勞問姓名

淮南秋夜呈周侶

一作呈同僚

天浮河漢高夜閒砧杵發清秋忽如此離恨應難歇風
亂池上萍

一作螢

露光竹間月與君共遊處忽作他鄉別

林園秋夜作

林卧避殘暑白雲長在天賞心既如此對酒非徒然月
色偏秋露竹聲兼夜泉涼風懷袖裏茲意與誰傳

讀前漢外戚傳

人錄尚書事家臨御路傍鑿池通渭水避暑借明光印
綬妻封邑軒車子拜郎寵因宮掖裏勢極必先亡

崔巨

崔巨開元二十四年登進士第詩一首

春怨

夜盡夢初驚紗窗早霧明曉妝脂粉薄春服綺羅輕妾
有今朝恨君無舊日情愁來理弦管曾是斷腸聲

蔣維翰

蔣一作薛

蔣維翰登開元進士第詩五首

古歌二首

美人怨何深含情倚金閣不嘖

一作笑

復不語紅

一作珠

淚

雙雙

一作紛紛落

美人閑紅燭獨坐裁新錦頻放剪刀聲夜寒知未寢

春夜裁縫

珠箔因風起飛蛾入最能不教人夜作方便殺明燈

春女怨

白玉堂前一樹梅今朝忽見數花枝一作開兒家門戶尋

常一作重重閉春色因何入得一作緣何入得來

怨歌

百尺珠樓臨狹斜新妝能唱美人車
皆言賤妾紅顏好要自狂夫不憶家

萬楚

萬楚登開元進士第詩八首

小山歌

人說淮南有小山淮王昔日此登仙城中雞犬皆飛去
山上壇場今宛然世人貴身不貴壽共笑華陽洞天口
不知金石變長年謾在人間戀攜手君能舉帆至淮南
家住盱眙余先諳桐柏亂流平入海茱萸一曲沸成潭
憶記來時魂悄悄想見仙山衆峰小今日長歌思不堪
君行為報三青鳥

題江潮莊壁

田家喜秋熟歲宴林葉稀禾黍積場圃櫨梨垂戶扉野

閒犬時吠日暮牛自歸時復落花酒茅齋堪解衣

詠簾

玳瑁昔稱華玲瓏薄絳紗鉤銜門勢曲節亂水紋斜日
弄長飛鳥風搖不卷花自當分內外非是為驕奢

茱萸女

山陰柳家女九日采茱萸復得東鄰伴雙為陌上姝插

枝著

一作花向

高髻結子置長裾

一作作

性常遲緩非關詫

一作託

丈夫平明折林樾

一作樹

日入返城隅

一作賈

客要

羅袖行人挑短書蛾眉自有主年少莫踟躕

五日觀妓

西施謾道浣春紗碧玉今時闕麗華眉黛奪將萱草色
紅裙妬殺石榴花新歌一曲令人艷醉舞雙眸斂鬢斜
誰道五絲能續命却令今日死君家

驄馬

金絡青驄白玉鞍長鞭紫陌野遊盤朝驅東道塵恒滅
暮到河源日未闌汗血每隨邊地苦蹄傷不憚隴陰寒

君能一飲長城窟為報

一作畫

天山行路難

題情人藥欄

斂眉語芳草何許太無情正見離人別春心相向生

河上逢落花

河水浮落花花流東不息應見浣紗人為道長相憶

范朝

范朝開元中進士詩二首

寧王山池

水勢臨階轉峰形對路開
槎從天上得石是海邊來
瑞草分叢種祥花間色栽
舊傳詞賦客唯見有鄒枚

題石甕寺

勝境宜長望遲春好散愁
關連四塞起河帶八川流
複磴承香閣重巖映彩樓
為臨溫液近偏美聖君遊

楊顏

楊顏登開元進士第詩一首

田家

小園足生事尋勝日傾壺蒔蔬利於鬻纔青摘已無四

鄰依

一作因

野竹日夕采其

一作共樵

枯田家心適時春色徧

桑榆

王諲

王諲登開元進士第官右補闕詩六首

後庭怨

君不見紅閨少女端正時天天桃李仙容姿幸得君王
憐巧笑披香殿裏薦蛾眉蛾眉雙雙人共進常恐妾身

從此擯甄妃為妬出層宮班女因猜下長信長信宮門
閉不開昭陽歌吹風送來夢中魂魄猶言是覺後精神
尚未迴念君嬌愛無終始使妾長啼後庭一作宮裏獨立

每看斜日盡孤眠

一作坐

直至殘燈死秋日聞蟲翡翠簾

春晴照面鴛鴦水紅顏舊來花不勝白髮如今雪相似
傳聞紈扇恩未歇預想蛾眉上初月如君貴偽不貴真
還同棄妾逐新人借問南山松葉意何如北砌槿花新

夜坐看搗箏

調箏夜坐燈光裏却挂羅帷露纖指朱弦一一聲不同
玉柱連連影相似不知何處學新聲曲曲彈來未覩名
應是石家金谷裏流傳未滿洛陽城

長信怨

飛燕倚身輕爭人巧笑名生君棄妾意增妾怨君情日
落昭陽壁秋來長信城寥寥金殿裏歌吹夜無聲

閨情

日暮裁縫歇深嫌氣力微纔能收篋笥嬾起下簾帷怨

坐空然燭愁眠不解衣
昨來頻夢見夫壻莫應知

十五夜觀燈

暫得金吾夜通看火樹
春停車傍明月走馬入紅塵
妓雜歌偏勝場移舞更新
應須盡記取說向一作與不來人

除夜

一作史青詩

今歲今宵盡明年明日催
寒隨一夜一作臘去春逐五更

來氣色空中改容顏暗裏回
風光人不覺已著後園梅

王岳靈

王岳靈登開元進士第天寶中累官至監察御史詩一
首

聞漏

建禮含香處重城待漏臣徐聞傳鳳詔晚唱辨雞人銀
箭殘將盡銅壺漏更新催籌當午夜移刻及三辰杳杳
從天遠泠泠出禁頻直疑殘漏曙肅肅對鉤陳

周萬

一作
吉萬

周萬其先汝南人後徙居永安黃岡宣州刺史擇從之

子開元末登第詩一首

送沈芳謁李觀察求仕進

自注云此君曾浪跡長安因以詩讓之

往日長安路歡遊不惜年為貪盧女曲用盡沈郎錢身
老方投刺途窮始著鞭猶聞有知己此去不徒然

御定全唐詩卷一百四十五

欽定四庫全書

御定全唐詩卷一百四十六

陶翰

陶翰潤州人開元十八年擢進士第又擢宏詞科以冰壺賦得名官禮部員外郎詩一卷

古塞下曲

一作王
李友誤

進軍飛狐北窮寇勢將變日落沙塵昏背河更一戰驂

一作
駿

馬黃金勒琱弓白羽箭射殺左賢王歸奏未央殿

欲言塞下事天子不召見東出咸陽門
哀哀淚如霰

燕歌行

請君留楚調聽我吟燕歌家在遼水

一作東

頭邊風意氣

多出身為漢將正值戎未和雪中凌天山冰上渡交河

大小百餘戰封侯竟蹉跎歸來灞陵下故舊無相過雄

劍委塵匣空門垂

一作惟

崔羅玉簪還趙女

一作妹

寶瑟

一作

琴 付齊娥昔日不為樂時哉今奈何

望太華贈盧司倉

行

一作

吏到西華乃觀三峯壯削成元氣中傑出天河

漢

一作

上如有飛動色不知青冥壯巨靈安在哉厥跡猶

可望方此顧

一作

行旅

一作

末由飭

一作

仙裝

裝唐韻
側亮切

行裝也或
改作仗非

葱龍記星壇明滅數雲嶂良友垂真契宿心

所微尚敢投歸山吟霞徑一相訪

贈鄭負外

驄馬拂繡裳按兵遼水陽西分雁門騎北逐樓煩王聞
道五軍集相邀百戰場風沙暗天起虜騎

一作

森已行

儒服揖一作護

一作護

諸將雄謀吞大八一作八

荒金門來一作求

見謁

朱紱生輝光數年一作載

一作載

侍御史稍遷尚書郎人生志氣

立所貴功業昌何必守章句終年事鉛黃同時獻賦客

尚在東陵傍

贈房侍御

時房公在新安

志士一作人

固

一作故

不羈與道常周旋進則天下仰已之

能晏然褐衣東府召執簡南臺先雄義每特立犯顏豈

圖全謫居東南遠逸氣吟芳荃適會寥廓趣清波更黃

緣扁舟入五湖發纜洞庭前浩蕩臨海曲迢遙濟江壖
徵奇忽忘返遇興將彌年乃悟范生智足明漁父賢郡
臨新安渚佳賞此城偏日夕對層岫雲霞映晴川閒居
戀秋色偃卧含貞堅倚伏聊自一作自相化行藏互推遷君
其振羽翮歲晏將一作欲冲天

晚出伊闕寄河南裴中丞

退無偃息資進無當代策冉冉時將暮坐為周南客前
登闕塞門永眺伊城陌長川黯已空一作暮千里寒氣白

家本

一作在

渭水西異日同所適秉志師禽尚微言祖莊

易一辭林壑間共繫風塵役交朋

一作才名

忽先進天道何

一作邑多

紛劇豈念嘉邈時依依偶沮溺

送朱大出關

楚客西上書十年不得意平生相知者晚節心各異長
揖五侯門拂衣謝中貴丈夫多別離各有四方事拔劍
因高歌蕭蕭北風至故人有斗酒是夜共君醉努力強
加餐當年莫相棄

宿天竺寺

松柏亂巖口山西微徑通天開

一作闕

一峯見宮闕生虛

空正殿倚霞壁千樓

一作上房

標石叢夜來猿鳥靜鐘梵響

一作寒

雲中岑

一作峯

翠映湖

一作明

月泉聲亂溪風心超諸

境外了與懸解同明發唯改視朝日長崖東

一作明發氣候改起

視長崖東

湖色濃蕩漾海光漸瞳朦葛仙迹尚在許氏道猶

崇獨徃古來

一作今

事幽懷期二公

出蕭關懷古

驅馬擊長劍行役至蕭關悠悠

一作然

五原上永眺關河

前北虜三十萬此中常控弦秦城亘宇宙漢帝理

一作埋

旌

一作戎又作旄

旄刀斗鳴不息羽書日夜傳五軍計莫就三

策議空全大漠橫萬里蕭條絕人煙孤城

一作山

當瀚海落

日照祈連愴矣苦寒秦懷哉式微篇更悲秦樓月夜夜
出胡天

南楚懷古

南國久蕪漫我來空鬱陶君看章華宮處處生黃蒿但

見陵與谷豈知賢與豪精魂托古木寶玉捐江臯倚棹
下晴景廻舟隨晚濤碧雲暮寥落湖上秋天高往事那
堪問此心徒自勞獨餘湘水上千載聞離騷

經殺子谷

扶蘇秦帝子舉代稱其賢百萬猶在握可爭天下權束
身就一劍壯志皆棄捐塞下有遺跡千齡人共傳疎蕪
盡荒草寂歷空寒煙到此盡垂淚非我獨潜然

早過臨淮

夜來三渚風

一作夜泊
三風渚

晨過臨淮島湖中海氣白城上

楚雲皁鱗鱗魚浦帆潏潏蘆洲草川路日

一作白

浩蕩愁

焉心如擣且言任倚伏何暇念枯槁范子名屢移蓮公

志常保古人去已久此理今難

一作難足

道

一作古人已云
云此理誰足道

乘潮至漁浦作

艤棹乘早潮潮來如風雨樟臺忽已隱界峰莫及覩

一作

嶂高忽已界
峯暗莫及覩

崩騰心為失浩蕩目無主
颺懷浪始聞

一作

風停浪
始聞

漾漾入魚浦雲景共澄霽江山相吞吐偉哉造

化工

一作靈

此事從終古流沫誠足誠商歌調易苦頗因

忠信全客心

一作念

猶栩栩

秋山夕興

山月松篠下月明山景鮮聊為高秋酌復此清夜晤
語方獲志栖心亦彌年尚言興未逸更理逍遙篇

送集賢學士伊闡史少府敕放歸江東覲省

一作

綦母
潛詩

墨客鍾張侶材高吳越珍千門來謁帝駟馬去榮親吏

邑沿清洛鄉山指白蘋歸期應不遠當及未央春

送金卿歸新羅


奉義朝中國殊恩及遠臣鄉心遙渡海客路再經春
落日誰同望孤舟獨可親拂波銜木鳥偶宿泣珠人
禮樂夷風變衣冠漢制新青雲已干呂知汝重來賓

柳陌聽早鶯

一本題上有
奉試二字

忽來枝上轉還似谷中聲乍使香閨靜偏傷遠客情
聞關難辨處斷續若頻驚玉勒留將久青樓夢不成
千門

候曉發萬井報春生
徒有知音賞慙非臯鶴鳴



御定全唐詩卷一百四十六

欽定四庫全書

集部

御定全唐詩卷一百四十七

詳校官庶吉士臣胡鈺

主事銜臣徐以坤覆勘

總校官知縣臣繆珙

校對官中書臣高中

謄錄監生臣胡永壽

欽定四庫全書

御定全唐詩卷一百四十七

劉長卿

劉長卿字文房河間人開元二十一年進士至德中為監察御史以檢校祠部員外郎為轉運使判官知淮南鄂岳轉運留後鄂岳觀察使吳仲孺誣奏貶潘州南巴尉會有為之辯者除睦州司馬終隨州刺史以詩馳聲上元寶應間權德輿常謂為五言長城皇甫湜亦云詩

未有劉長卿一句已呼宋玉為老兵其見重如此集十卷內詩九卷今編詩五卷

逢雪宿芙蓉山主人

日暮蒼山遠天寒白屋貧柴門聞犬吠風雪夜歸人

送張起崔載華之閩中

朝無寒士達家在舊山貧相送天涯裏憐君更遠人

贈秦系徵君

羣公誰讓位五柳獨知貧惆悵青山路煙霞老此人

秦系頃以家事獲謗因出舊山每荷觀察崔公
見知欲歸未遂感其流寓詩以贈之

初迷武陵路復出孟嘗門回首江南岸青山與舊恩

夜中對雪贈秦系時秦初與謝氏離婚謝氏在

越

月明花滿地君自憶山陰誰遣因風起紛紛亂此心

湘妃

帝子不可見秋風來暮思嬋娟湘江月千載空蛾眉

斑竹

蒼梧千載後斑竹對湘沅
欲識湘妃怨枝枝滿淚痕

春草宮懷古

君王不可見芳草舊宮春
猶帶羅裙色青青向楚人

正朝覽鏡作

憔悴逢新歲茅扉見舊春
朝來明鏡裏不忍白頭人

瓜洲道中送李端公南渡後歸揚州道中寄

片帆何處去匹馬獨歸遲
惆悵江南北青山欲暮時

送張十八歸桐廬

歸人乘野艇帶月過江村正落寒潮水相隨夜到門

過白鶴觀尋岑秀才不遇

不知方外客何事鎖空房應向桃源裏教他喚阮郎

聽彈琴

泠泠七絲

一作
弦

上靜聽松風寒古調雖自愛今人多不

彈

遊南園偶見在陰牆下葵因以成詠

此地常無日青青獨在陰太陽偏不及非是未傾心

入百丈澗見桃花晚開

百丈深澗裏過時花欲妍應緣地勢下遂使春風偏

送子壻崔真甫李穆往揚州四首

渡口發梅花山中動泉脉蕪城春草生君作揚州客

半邏鶯滿樹新年人獨還落花逐流水共到茱萸灣

雁還空渚在人去落潮翻臨水獨揮手殘陽歸掩門

狎鳥攜稚子釣魚終老身殷勤囑歸客莫話桃源人

寄龍山道士許法稜

悠悠白雲裏獨住青山客林下晝焚香桂花同寂寂

送方外上人

孤雲將野鶴豈向人間住莫買沃洲山時人已知處

送靈澈上人

蒼蒼竹林寺杳杳鐘聲晚荷笠帶夕陽青山獨歸遠

茱萸灣北苔崔載華問

荒涼野店絕迢遞人煙遠蒼蒼古木中多是隋家苑

赴楚州次自田途中阻淺問張南史

楚城今近遠積霑寒塘暮水淺舟且遲淮潮至何處

江中對月

空洲夕煙斂望月秋江裏歷歷沙上人月中孤渡水

碧澗別墅喜皇甫侍御相訪

荒村帶返照落葉亂紛紛古路無行客寒山獨見君野
橋經雨斷澗水向田分不為憐同病何人到白雲

初到碧澗招明契上人

漸老知身累初寒曝背眠白雲留永日黃葉減餘年
護窗前樹泉澆谷後一作田沃洲能共隱不用道林錢

送少微上人遊天台

石橋人不到獨往更迢迢乞食山家少尋鐘野路遙
松門風自埽瀑布雪難消秋夜聞清梵餘音逐海潮

却歸睦州至七里灘下作

南歸猶謫宦獨上子陵灘江樹臨洲晚沙禽對水寒
山開斜照在石淺亂流難惆悵梅花發年年此地看

對酒寄嚴維

陋

一作
陌

巷喜陽和衰顏對酒歌
嬾從華髮亂閒任白雲

多郡簡容垂釣家貧學弄
梭門前七里瀨早晚子陵過

新年作

鄉心新歲切天畔獨潛然
老至居人下春歸在客先
嶺後同旦暮江柳共風煙
已似長沙傳從今又幾年

朱放自杭州與故里相使君立碑回因以奉簡

吏部楊侍郎製文

片石羊公後淒涼江水濱好辭千古事墮淚萬家人鵬
集占書久驚回刻篆新不堪相顧恨文字日生塵

送宣尊師醮畢歸越

吹簫江上晚惆悵別茅君踏火能飛雪登

一作刀一作
吞山

入白雲晨香長日在夜磬滿山聞揮手桐溪路無情水
亦分

送裴使君赴荆南充行軍司馬

盛府南門寄前程積水中月明臨夏口山晚望巴東故

節辭江郡寒笳發渚宮漢川風景好遙羨逐一作繼羊公

送裴郎中貶吉州

亂軍交白刃一騎出黃塵漢節同歸闕江帆共逐臣
猿愁岐路晚梅作異方春知己鄴侯在應憐脫粟人

酬皇甫侍御見寄時前相國姑臧公初臨郡

離別江南北汀洲葉再黃路遙雲共水砧迴月如霜
歲儉依仁政年衰憶故鄉佇看一作君宣室召漢法倚張綱

月下呈章秀才八元

自古悲搖落誰人奈此何夜蜚偏傍枕寒鳥數移柯向
老三年謫當秋百感多一作無愁百口多家貧惟好月空媿子
猷過

酬張夏

幾歲依窮海頽年惜故陰劍寒空有氣松老欲無心翫
雪勞相訪看山正獨吟孤舟且莫去前路水雲深

送李使君貶連州

獨過長沙去誰堪此路愁秋風散千騎寒雨泊孤舟賈

誼辭明主蕭何識故侯
漢廷當自召湘水但空流

秋夜北山精舍觀體如師梵

焚香奏仙唄向夕遍空山
清切無秋遠威儀對月閒
靜分巖響答散逐海潮還
幸得風吹去隨人到世間

酬張夏雪夜赴州訪別途中苦寒作

扁舟乘興客不憚苦寒行
晚暮相依分江湖欲別情

一作

江湖別
有情

水聲冰下咽砂路雪中平
舊劒鋒銑盡應嫌贈

脫

一作
脫自輕

尋洪尊師不遇

古木無人地來尋羽客家
道書堆玉案仙帔疊青霞
鶴老難知歲梅寒未作花
山中不相見何處化丹砂

喜鮑禪師自龍山至

故居

一作山

何日下春草欲芊芊
猶對山中月誰聽石上

泉
猿聲知後夜花發見流年
杖錫閒來往無心到處禪

送方外上人之常州依蕭使君

宰臣思得度鷗鳥戀為羣
遠客迴飛錫空山臥白雲
夕

陽孤艇去秋水兩溪分歸共臨川史同翻貝葉文

宿北山禪寺蘭若

上方鳴夕磬林下一僧還密行傳人少禪心對虎閒青
松臨古路白月滿寒山舊識窗前桂經霜更待一作攀

赴新安別梁侍郎

新安君莫問此路水雲深江海無行跡孤舟何處尋青
山空向淚白月豈知心縱有餘生在終傷老病侵

江州留別薛六柳八二員外

江海相逢

一作達君

少東南別處長獨行風嫋嫋相去水茫

茫白首辭同舍青山背故鄉離心與潮信每日到潯陽

和州留別穆郎中

播遷悲遠道搖落感衰容今日猶多難何年更此逢世
交黃葉散鄉路白雲重明發看煙樹唯聞江北鐘

和州送人歸復郢

因家漢水曲相送掩柴扉故郢生秋草寒江澹落暉綠
林行客少赤壁住人稀獨過潯陽去潮歸人不歸

送金昌宗歸錢塘

新家浙江上，獨泛落潮歸。
秋水照華髮，涼風生褐衣。
柴門嘶馬少，藜杖拜人稀。
惟有陶潛柳，蕭條對掩扉。

酬張夏別後道中見寄

離羣方歲晏，謫宦在天涯。
暮雪同行少，寒潮欲上遲。
海鷗知吏傲，砂鶴一作沙鳥見人衰。
只畏生秋一作憶春草，西歸亦

未期

新安奉送穆諱德歸朝賦得行字

九重宣室召萬里建溪行事直皇天在歸遲白髮生用
材身復起覩聖眼猶明離別寒江上潺湲若有情

偶然作

野寺長依止田家或往還老農開古地夕鳥入寒山書
劒身同廢煙霞吏共閒豈能將白髮扶杖出人間

送州人

一作睦州

孫沅自本州却歸句章新營所居

故里歸成客新家去未安詩書滿蝸舍征稅及漁竿火
種山田薄星居海島寒憐君不得已步步別離難

送李員外使還蘇州兼呈前袁州李使君賦得
長字袁州即員外之從兄

別離共成怨

一作誠
共怨

衰老更難忘夜月留同舍秋風在

遠鄉朱弦徐向燭白髮強臨觴歸獻西陵作誰知此路
長

酬李員外從崔錄事載華宿三河戍先見寄

寒江鳴石瀨歸客夜初分人語空山答猿聲獨戍聞遲
來朝及暮愁去水連雲歲晚心誰在青山見此君

見秦系離婚後出山居作

豈知偕老重垂老絕良姻
郝氏誠難負朱家自媿貧
綻衣留欲故織錦罷經春
何況薜蘿蕪綠空山不見人

酬秦系

鶴書猶未至那出白雲來
舊路經年別寒潮每日迴
家空歸海燕人老發江梅
最憶門前柳閒居手自栽

歲日作

建寅迴北斗看歷占春風
律變滄江外年加白髮中
春

衣試稚子壽酒勸衰翁今日陽和發榮枯豈不同

題元錄事開元所居

幽居蘿薜情高臥紀綱行鳥散秋鷹下人閒春草生冒

風

一作嵐

歸野寺收印出山城今日新安郡因君水更清

送崔載華張起之閩中

不識閩中路遙知別後心猿聲入嶺切鳥道問人深旅
食過夷落方言會越音西征開幕府早晚用陳琳

送張司直赴嶺南謁張尚書

番禺萬里路遠客片帆過盛府依橫海荒祠拜伏波人
經秋瘴變鳥墜火雲多誠憚炎洲裏無如一顧何

寄會稽公徐侍郎

公時為
王傅

搖落淮南葉秋風想越吟鄒枚入梁苑逸少在山陰老
鶴無衰貌寒松有本心聖朝難稅駕惆悵白雲深

送朱山人放越州賊退後歸山陰別業

越州

一作中

初罷戰江上送歸橈南渡無來客

一作信

西陵

自落潮空城垂故

一作細

柳舊業

一作井

廢春苗閭里相逢

少一作誰相見鶯花共寂寥

秋夜肅公房喜普門上人自陽羨山至

山棲久不見林下偶同遊早晚來香積何人住沃洲寒

禽驚後一作獨夜一作晚古木帶高秋却入千峰去孤雲不

可留

送李秘書却赴南中

此公舉家先流嶺外兄弟數人俱沒南中

却到番禺日應傷昔所依炎洲百口住故國幾人歸路

識梅花在家存一作看棣萼稀獨逢迴雁去猶作舊行飛

過前安宜張明府郊居

寂寥東郭外白首一先生解印

一作考滿

孤琴在移家

一作家移

五柳成夕陽臨水釣春雨向田耕終日空林下何人識此情

使迴次楊柳過元八所居

君家楊柳渡來往落帆過綠竹經寒在青山欲暮多薜蘿誠可戀婚嫁復如何無奈閒門外漁翁夜夜歌

送李侍御貶郴州

洞庭波渺渺君去弔靈均幾路三湘水全家萬里人聽
猿明月夜看柳故年春憶想汀洲畔傷心向白蘋

寄普門上人

白雲幽臥處不向世人傳聞在千峰裏心知獨夜禪辛
勤羞薄祿依止愛閒田惆悵王孫草青青又一年

逢郴州使因寄鄭協律

相思楚天外夢寐楚猿吟更落淮南葉難為江上心衡
陽問人遠湘水向君深欲逐孤帆去茫茫何處尋

岳陽館中望洞庭湖

萬古巴丘戍平湖此

一作北

望長問人何淼淼愁暮更蒼

蒼疊浪浮元氣中流沒太陽孤舟有歸客早晚達瀟湘

巡去岳陽却歸鄂州使院留別鄭洵侍御侍御

先曾謫居此州

何事長沙謫相

一作長

逢楚水秋暮帆歸夏口寒雨對巴

丘帝子椒漿奠騷人木葉愁誰憐萬里外離別洞庭頭

夏口送屈突司直使湖南

共悲

一作愁

來夏口何事更南征霧露行人少瀟湘春草

生鶯啼何處夢猿嘯若為聲風月新年好悠悠遠客情

代邊將有懷

少年辭魏闕白首向沙場瘦馬戀秋草征人思故鄉暮
笳吹塞月曉甲帶胡霜自到雲中郡于今百戰強

雨中過員稷巴陵山居贈別

憐君洞庭上白髮向人垂積雨悲幽獨長江對別離牛
羊歸故道猿鳥聚寒枝明發遙相望雲山不可知

送李中丞之襄州

一作送李中丞歸漢陽李
一作李一無之襄州三字

流落征南將曾驅十萬師
罷歸無舊業老去戀明時
獨

立三朝識

一作
邊靜

輕生一劍知

一作
隨

茫茫漢江上日暮復

一作
欲何之

奉使至申州傷經陷沒

舉目傷蕪沒何年此戰爭
歸人失舊里老將守孤城
廢
戍山煙出荒田野火行
獨憐澗水上時亂亦能清

穆陵關北逢人歸漁陽

逢君穆陵路匹馬向桑乾
楚國蒼山古幽州白日寒
城池百戰後者舊幾家殘
處處蓬蒿遍歸人掩淚看

安州道中經漚水有懷

征途逢漚水忽似到秦川
借問朝天處猶看落日邊
映沙晴漾漾出澗夜濺濺
欲寄西歸恨微波不可傳

步登夏口古城作

平蕪連古堞遠客此沾衣
高樹朝一作潮光上空城秋氣

歸微明漢水極搖落楚人稀
但見荒郊外寒鷗暮暮飛

贈別盧司直之閩中

爾來多不見此去又何之
華髮同今日流芳似舊時
洲長春色遍漢廣夕陽遲
歲歲王孫草空憐無處期

酬郭

一作張

夏

一作廬

人日長沙感懷見贈

此公比經流竄

親在上都

舊俗歡猶在憐君恨獨深
新年向國淚今日倚門心
歲去隨湘水春生近桂林
流鶯且莫弄江畔正行吟

赴巴南書情寄故人

南過三湘去巴人此路偏
謫居秋瘴裏歸處夕陽邊
直道天何在愁容鏡亦憐
裁書欲誰訴無淚可潸然

餘干旅舍

搖落暮天迴青楓霜葉稀
孤城向水閉獨鳥背人飛
渡口月初上鄰家漁未歸
鄉心正欲絕何處擣寒衣

登思禪寺上方題修竹茂松

上方幽且暮

一作西峰
上方處

臺殿

一作
榭

隱蒙籠

一作
朦朧

遠磬秋

山裏清猿古木中
衆溪連竹路諸嶺共松風
儻許棲林

下甘成白首翁

恩敕重推使牒追赴蘇州次前溪館作

漸入雲峰裏愁看驛路閒
鷄投落日疲馬向空山
且喜憐非罪何心戀末班
天南一萬里誰料得生還

北歸次秋浦界清溪館

萬里

一作嶺

猿啼

一作頻

斷孤村客暫依

一作萬古啼猿後孤城落日依

雁

過彭蠡暮人向宛陵稀
舊路青山在餘生白首歸
漸知行近北不見鷓鴣飛

謫官後却歸故村將過虎丘悵然有作

萬事依然在無如歲月何
邑人憐白髮庭樹長新柯
故老相逢少同官不見多
唯餘舊山路惆悵枉帆過

重推後却赴嶺外待進止寄元侍郎

却訪巴人路難期國士恩
白雲從出岫黃葉已辭根
大造功何薄長年氣尚寬
空令數行淚來往落湘沅

秋杪江亭有作

一作秋杪
于越亭

寂寞江亭下江楓秋氣斑

一作日暮更愁
遠天涯殊未還

世情何處澹

湘水向人閒寒渚一孤雁夕陽千萬山扁舟如一作落

葉此去未知還

一作俱在
洞庭間

送鄭司直歸上都

歲歲逢離別蹉跎江海濱宦遊成楚老鄉思逐秦人馬
首歸何日鶯啼又一春因君報情舊閒慢欲垂綸

送靈澈上人歸嵩陽蘭若

一作
巖

南地隨緣久東林幾歲空暮山門獨掩春一作青草路難

通作梵連松韻焚香入桂叢唯將舊鉢鉢却寄白雲中

却赴南邑留別蘇臺知己

又過梅嶺上歲歲此

一作北

枝寒落日孤舟去青山萬里

看猿聲湘水靜草色洞庭寬已料生涯事唯應把釣竿

和靈一上人新泉

東林一泉出復與遠公期石淺寒

一作淺石春

流處山空夜

一作暮

落時

一作淺澗春流處空山夜月時

夢閒聞

一作歸

細響慮澹對

一作

向

清漪動靜皆無意

一作如此

唯應達

一作道

者知

送李摯赴延陵令

清風季子邑想見下車時向水彈琴靜看山採菊遲明
君加印綬廉使託惇嫠旦暮華陽洞雲峰若有期

奉送裴員外赴上都

彤襜江上遠萬里詔書催獨過潯陽去空憐潮信迴離
心秋草綠揮手暮帆開想見秦城路人看五馬來

長沙桓王墓下別李紆張南史

長沙千載後春草獨萋萋流水朝將

一作空
又作還

暮行人東

復西碑苔幾字滅山木萬株齊佇立傷今古

一作惟
有年芳在

相看惜解攜

送侯

侍字

御赴黔中充判官

不識黔中路今看遣使臣
猿啼萬里客鳥似五湖人
地遠官無法山深俗豈淳
須令荒徼外亦解懼埋輪

秋日登吳公臺上寺遠眺寺即陳將吳明徹戰

場

一作地

古臺搖落後秋日

一作入

望鄉心野寺人來少雲峰水隔

深夕陽依舊壘寒磬滿空林
惆悵南朝事長江獨至今

淮上送梁二恩命追赴上都

賈生年最少儒行漢庭聞拜手
卷黃紙迴身謝白雲故
關無去客春草獨隨君
森森長淮水東西自此分

送崔昇歸上都

舊寺尋遺緒歸心逐去塵
早鶯何處客古木幾家人
白髮經多難滄洲欲暮春
臨期數行淚為爾一霑巾

過李將軍南鄭林園觀妓

郊原風日好百舌弄何頻
小婦秦家女將軍天上人
鵝

歸長郭暮草映大堤春客散垂楊下通橋車馬塵

送嚴侍御充東畿觀察判官

洛陽征戰後君去問凋殘雲月

一作日

臨南至風霜向北

寒故園經亂久古木隔林看

一作古道
近鄉看

誰訪江城客年

年守一官

送王端公入奏上都

舊國無家訪臨岐亦羨歸途經百戰後客過二陵稀秋
草通征騎寒城背落暉行當蒙顧問吳楚歲頻饑

送營田判官鄭侍御赴上都

上國三千里西還

一作遊

及歲芳故山經亂在春日送歸

長曉奏趨雙闕秋成報萬箱幸論開濟力已實海陵倉

送李校書赴東浙幕府

校書工於翰墨

方從大夫後南去會稽行淼淼滄江外青青春草生

香辭亂

一作校

事梅吹聽軍聲應訪王家宅空憐江水平

清明後登城眺望

風景清明後雲山睥睨前百花如舊日萬井出新煙草

色無空地江流合遠天長安在何處

一作何處是

遙指夕陽

邊

陪王明府泛舟

花縣彈琴暇樵風載酒時山含秋色近鳥度夕陽遲出
沒鳬成浪蒙籠竹亞枝雲峰逐人意來去解相隨

送度支留後若侍御之歙州便赴信州省覲

國用憂錢穀朝推此任難即山榆莢變降雨稻花殘林
響朝登巔江喧夜過灘遙知驄馬色應待倚門看

餘干夜宴奉餞前蘇州韋使君新除婺州作

復拜東陽郡遙馳北闕心行春五馬急向夜一猿深山
過康郎近星看婺女臨幸容棲託分猶戀舊棠陰

晚次苦竹館却憶干越舊遊

匹馬風塵色千峰旦暮時遙看落日盡獨向遠山遲故
驛花臨道荒村竹映籬誰憐却回首步步戀南枝

送李二十四移家之江州

煙塵猶

一作遙

滿目歧路易霑衣逋

一作遷

客多南渡征

一作

春鴻自北飛九江春草綠

一作東林古寺靜

千里暮潮歸別後

難

一作誰

相訪全家隱釣磯

一作羨爾全家隱爐峰對掩扉

送盧判官南湖

漾舟仍載酒愧爾意相寬草色南湖綠松聲小署寒水

禽前後起

一作出

花嶼往來看已作滄洲調無心戀一官

送張栩扶持之睦州

此公舊任建德令

遙憶新安舊扁舟復却還淺深看水石來往逐雲山入

縣餘花在過門故柳閒東征隨子去皆隱薜蘿間

集梁耿開元寺所居院

到君幽臥處為我埽莓苔花雨晴天落松風終日來
路經深竹過門向遠山開豈得長高枕中朝正用才

贈西鄰盧少府

籬落能相近漁樵偶復同苔封三徑絕溪向數家通犬

吠寒煙裏鷓鴣鳴

一作飛

夕照中時因杖藜次

一作倘因藍輦出

相

訪竹林東

遊休禪師雙峰寺

雙扉碧峰際遙向夕陽開飛錫方獨往孤雲何事來寒
潭映白月秋雨上青苔相送東郊外羞看驄馬回

解中見桃花南枝已開北枝未發因寄杜副端

何意同根本開花每後時應緣去日遠獨自發春遲結

實恩

一作應

難忘

一作望

無言恨豈知年光不可待空羨向

南枝

奉送盧員外之饒州

天書萬里至旌旆上江飛日向鄱陽近應看吳岫微暮

帆何處落潮水背人歸風土無勞問南枝黃葉稀

送處士歸州因寄林山人

陵陽不可見獨往復如何舊邑雲山裏扁舟來去過鳥聲春谷靜草色太湖多儻宿荆溪夜相思漁者歌

移使鄂州次峴陽館懷舊居

多慙恩未報敢問路何長萬里通秋雁千峰共夕陽舊遊成遠道此去更違一作速鄉草露深一作空山裏朝朝落

一作滿客裳

送齊郎中赴海州

華省占星動孤城望日遙直廬收舊草行縣及新苗滄
海天連水青山暮與朝間間幾家散應待下車招

重陽日鄂城樓送屈突司直

登高復送遠惆悵洞庭秋風景

一作水

同前

一作千

古雲山

滿上游蒼蒼來暮雨森森逐寒流今日關中事蕭何共
爾憂

更被奏留淮南送從弟罷使江東

又作淮南客還悲木葉聲寒潮落瓜步秋色上蕪城王
事何時盡滄洲羨爾行青山將綠水惆悵不勝情

經漂母墓

昔賢懷一飯茲事已千秋古墓樵人識前朝楚水流渚
蘋行客薦山木杜鵑愁春草茫茫綠王孫舊此遊

送李端公赴東都

軒轅征戰後江海別離長遠客歸何處平蕪滿故鄉夕
陽帆杳杳舊里樹蒼蒼惆悵蓬山下瓊枝不可忘

送王員外歸朝

往來無盡目離別要逢春
海內罹多事天涯見近臣
芳時萬里客鄉路獨歸人
魏闕心常在隨君亦向秦

送蔣侍御入秦

朝見及芳菲恩榮出紫微
晚光臨仗奏春色共西歸
楚客移家老秦人訪舊稀
因君鄉里去為埽故園扉

洞庭驛逢郴州使還寄李湯司馬

洞庭秋水濶南望過衡峰
遠客瀟湘裏歸人何處逢
孤

雲飛不定落葉去無蹤莫使滄浪叟長歌笑爾容

送舍弟之鄱陽居

鄱陽寄家處自別掩柴扉故里人何在滄波孤客稀湖
山春草遍雲木夕陽微南去逢迴雁應憐相背飛

送裴二十端公使嶺南

蒼梧萬里路空見白雲來遠國知何在憐君去未迴桂

林無葉落

一作落葉

梅嶺自花開陸賈千年後誰看朝漢臺

過桃花夫人廟

即息夫人

寂寞應千歲桃花想一枝
路人看古木江月向空祠
雲雨飛何處山川是舊時
獨憐春草色猶似憶佳期

鄂渚送池州程使君

蕭蕭五馬動欲別謝臨川
落日蕪湖色空山梅冶煙
江湖通解舍楚老拜戈船
風化東南滿行舟來去傳

送友人西上

羈心不自解有別會霑衣
春草連天積五陵遠客歸
十年經轉戰幾處便一作更
芳菲想見函關路行人去亦稀

送梁郎中赴吉州

遙想廬陵郡還聽叔度歌
舊官移上象新令布中和
看竹經霜少聞猿帶雨多
但愁徵拜日無奈借留何

過湖南羊

一作來

處士別業

杜門成白首湖上寄生涯
秋草蕪

一作閑

三徑寒塘獨一

家鳥歸村落盡水向縣城斜
自有東籬菊年年解作花

一作愛汝醒還

醉東籬菊正花

送河南元判官赴河南句當苗稅充百官俸錢

春草長河曲離心共渺然方收漢家俸獨向汶陽田鳥
雀空城在榛蕪舊路遷山東征戰苦幾處有人煙

夏中崔中丞宅見海紅搖落一花獨開

何事一花殘閒庭百草闌綠滋經雨發紅艷隔林看竟
日餘香在過時獨秀難共憐芳意晚秋露未須團

一作薄

使還至

一作自

菱陂

一作波一作坡

驛渡淝水作

清川已再涉疲馬共西還何事行人倦終年流水閒孤

煙飛

一作出

廣澤一鳥向空山愁入雲峰裏蒼蒼閉古關

送齊郎中興括州

星象移何處旌麾獨向東
勸耕滄海畔聽訟白雲中
樹

色

一作影

雙溪合猿聲萬嶺同
石門康

一作空

樂住

一作在

幾

里枉帆通

過隱空和尚故居

自從飛錫去人到沃洲
稀林下期何在山中春
獨歸踏
花尋舊徑映竹掩空扉
寥落東峰上猶堪靜者依

過蕭尚書故居見李花感而成詠

手植已芳菲心傷故徑微往年啼鳥至今日主人非滿
地誰當埽隨風豈復歸空憐舊陰在門客共霑衣

送袁處士

閒田北川下靜者去躬耕萬里空江羨孤舟過郢城種
荷依野水移柳待山鶯出處安能問浮雲豈有情

酬李侍御登岳陽見寄

想見孤舟去無由此路尋暮帆遙在眼春色獨何心綠
水瀟湘闊青山鄂杜深誰當北風至為爾一開襟

喜晴

曉日西風轉秋天萬里明湖天一種色林鳥百般聲
霽景浮雲滿遊絲暎水輕今朝江上客凡慰幾人情

御定全唐詩卷一百四十七